


晉書地理志新補正
二





晉書地理志新補正

(一)

畢沅撰

編主五雲王
編初成集書叢
種一他其及記道地書晉
冊 二

中華民國二十五年十二月初版

發行人

王

上海河南路

雲 五

印刷所

商

上海河南路

務 印 書 館

發行所

商

上海及各埠

務 印 書 館

邢

晉書地理志新補正卷二

并州案禹貢蓋冀州之域舜置十二牧則其一也周禮正北曰并州其鎮曰恆山春秋元命包云營室流為并州分爲衛國州不以衛水爲號又不以恆山爲稱而云并者蓋以其在兩谷之間也漢武帝置十三州并州依舊名不改統上黨太原雲中上郡鴈門代郡定襄五原西河朔方十郡又別置朔方刺史後漢建武十一年省朔方入并州靈帝末羌胡大擾定襄雲中五原朔方上郡等五郡並流徙分散建安十八年省入冀州二十年始集塞下荒地立新興郡後又分上黨立樂平郡魏黃初元年復置并州自涇嶺以北並一作并棄之至晉因而不改沅案通典并州理晉陽并州統郡國六縣四十五戶五萬九千三百

太原國秦置統縣十三戶一萬四千

沅案兩漢志皆有慮虜縣元和郡縣志云晉省

晉陽侯相

沅案太平寰宇記晉陽舊城故老傳晉并州刺史劉琨築

陽曲榆次

于離孟狼孟陽邑大陵祁平陶京陵中都鄆

上黨郡秦置統縣十戶一萬三千

沅案元和郡縣志漢猗氏縣屬上黨至晉省

潞屯留壺關長子

沅案十六國春秋慕容永僭號於此稱西燕爲慕容垂所滅

汝氏高都銅鞮涅

沅案元和郡縣志晉於此置武鄉縣屬樂平郡石氏分上黨沾涅二縣置武鄉郡縣屬焉

襄垣武鄉

西河國、漢置統縣四戶六千三百。

沅案元和郡縣志河西國晉惠帝時為劉元海所攻破郡遂廢又云土軍縣晉省

離石。

沅案前趙記今離石左國單于所徙庭是也晉惠帝以劉元海為離石郡尉故元海

起於此後石勒改為永石郡。

隰城。

沅案地道記晉改茲氏為隰城縣。

中陽。

沅案太平寰宇記永嘉後縣省入隰城。

介休。

沅案晉省穀遠為介休地道記穀遠今名孤遠即後代路驕耳。

樂平郡、泰始中置統縣五戶四千三百。

沾。

上艾。

壽陽。

沅案水經注引晉太康地記樂平郡有受陽即此元和郡縣志壽陽本太原郡榆次縣地西晉分置至永嘉後復省。

轅陽。

沅案元和郡縣志本漢陽阿縣屬上黨晉改今名屬樂平。

樂平。

鴈門郡、秦置統縣八戶一萬二千七百。

沅案一本作六百。

廣武。

葭。

沅案太平寰宇記縣漢末荒廢晉初又置。

涅陶。

平城。

沅案元和郡縣志劉琨表封猗盧為

代平城

蓀人。

繁時。沅案漢末廢晉又置。

原平。

馬邑。

沅案元和郡縣志曹公立馬邑縣關新與郡晉改屬鴈門郡太平寰宇記晉亂其地為猗盧所據懷帝時劉琨表猗盧為大單于封代公徙馬邑縣即其地也。

晉末又廢。

新興郡、魏置統縣五戶九千。

九原。

沅案太平寰宇記後漢末于太原陽曲縣地置九原縣。

定襄。

沅案元和郡縣志後漢末移陽曲縣于并州太原縣界仍于此置定襄縣。

雲中。

廣牧。晉昌。

惠帝改新興爲晉昌郡。及永興元年，劉元海僭號于平陽，稱漢。於是并州之地，皆爲元海所有。元海乃以雍州刺史鎮平陽，幽州刺史鎮離石，及劉聰攻陷洛陽，置左右司隸，各領戶二十餘萬。萬戶置一內史，凡內史四十三人，單于左右輔各主六夷。又置殷衛、東梁、西河、陽北、兗、五州，以懷安新附。劉曜徙都長安，其平陽以東，地入石勒。勒平朔方，又置朔州。自惠懷之間，離石縣荒廢，勒於其處置永石郡。又別置武鄉郡。又苻堅、姚興、赫連勃勃、并州並徙置河東。又姚興以河東爲并冀二州云。

雍州，案禹貢黑水西河之地，舜置十二牧，則其一也。以其四山之地，故以雍名焉。亦謂西北之位，陽所不及。陰陽氣雍闕也。周禮西曰雍州，蓋并禹梁州之地。周自武王克殷，都於鄆鎬，雍州爲王畿。及平王東遷洛邑，以岐、酆之地賜秦襄公，則爲秦地。累世都之。至始皇遂平六國，秦滅漢，又都之。及武帝置十三州，其地以西偏爲涼州，其餘並屬司隸，不統於州。後漢光武都洛陽，關中復置雍州。後罷，復置司隸校尉。統三輔如舊。獻帝時，又置雍州。自三輔距西域皆屬焉。魏文帝卽位，分西河爲涼州，分隴右爲秦州，改京兆尹爲太守，馮翊、扶風各除左右，仍以三輔屬司隸。晉初，於長安置雍州。

沅案通典管雍州理京兆

統郡國七

沅案杜軫傳爲池陽令，爲雍州十一郡最

考。侯縣三十九，戶九萬九千五百。

京兆郡漢置統縣九戶四萬 長安 杜陵

元案地形志云晉曰杜城今考霸城亦晉改名今志已曰霸城而此杜陵猶仍舊名一改不改作志者之失也

霸城 藍田

高陸 萬年 故櫟陽縣 新豐 陰般

元案郭緣生述征記陰縣屬舊屬安定郡遇亂徙于新豐帝王世紀薛連定以勝光二年又自京兆移此屬平涼郡

鄭周桓王弟鄭

桓公邑

馮翊郡漢置名左馮翊統縣八戶七千七百

元案馮翊郡有雲陽縣元和郡縣志魏司馬宣王撫慰關中于雲陽嚴撫夷護軍劉石苻姚因之地形志又云晉罷後復

臨晉 故大荔

秦獲之更名有河水祠祠臨晉水故名

元案元和郡縣志武帝改臨晉為大荔

下邳 秦武公伐邾戎置有上邳故加下 重泉

潁陽秦厲公置在潁水之陽

元案符秦時置土門護軍又于禮翽故城北銅官川置銅官護軍

粟邑 蓮芍 郃陽

元案地形志晉屬馮翊後罷

夏陽 故少

梁秦惠文王更名梁山在西北

扶風郡漢武帝以為主爵都尉太初中更名右扶風統縣六戶二萬三千

元案太平寰宇記晉太康八年改為秦國元和郡縣志扶風營屋縣後漢省晉武帝

時復立今考晉扶風無營屋縣蓋武帝後又廢地形志又云營屋好時皆管罷後復

池陽 漢惠帝置有巖辭山 郿 成國渠首受渭

元案太平寰宇記晉元康中復置好時縣又云郿夷并省郿縣

晉太康中于
此置隴關縣。
雍、侯相有五時。太昊、黃帝以下祠三百三所。汧、吳山在西。古文以爲汧山。沅案太平寰宇記。汧縣永嘉後廢。

陳倉。沅案太平寰宇記。縣晉末廢。姚秦時于縣界置苑川縣。

美陽、岐山在西北。周太王所邑。沅案太平寰宇記稱。郡國縣道記曰。杜陽縣。晉省。又云。隴巖縣。晉省。

安定郡。漢置。統縣七。戶五千五百。沅案晉太康地記。安定郡。領臨涇、朝州、烏氏、鶉觚、陰密、西川、六縣。無都盧縣。與此異。又有安定。涇陽、撫夷、祖居。爰得三水。高平七縣。地形志。後漢晉罷後復。臨涇。朝

那。烏氏。都盧。鶉觚。陰密。殷時密國。西川。

北地郡。秦置。統縣二。戶二千六百。沅案漢北地郡有弋居縣。地形志云。晉罷後復。泥陽。富平。沅案太平寰宇記。晉移富平縣于懷德城。長安志。晉徙縣于今富平縣西南十一里懷德城。

始平郡。泰始三年置。統縣五。戶一萬八千。沅案元和郡縣志。漢平陵縣。魏文帝改爲始平。晉武改置始平。國太平寰宇記又謂。魏黃初元年改爲始平。因原以建名。槐里。秦曰廢

邱。漢高帝更名。有黃山宮。始平。沅案太平寰宇記。茂陵。晉并入始平縣。武功。太一山在東。古文以爲終南。鄂。古國。夏啓所

伐。蒯城。沅案輿地。蒯城縣。故陳倉之故鄉。秦名也。晉武。咸寧四年。分陳倉立縣。屬始平郡。

新平郡。漢置。統縣二。戶二千七百。沅案太平寰宇記。晉武帝分漆縣置幽色縣。符秦時。改漆取郡名爲新平縣。姚萇亂。郡縣俱廢。漆。漆水在西。汾邑。

惠帝卽位。改扶風國爲秦國。徙都建興之後。雍州沒於劉聰。及劉曜徙都長安。改號曰趙。以秦涼二州牧鎮上邽。朔州牧鎮高平。幽州刺史鎮北地。并州牧鎮蒲坂。石勒尅長安。復置雍州。石氏旣敗。苻堅僭據關中。又都長安。是爲前秦。於是乃於雍州置司隸校尉。以豫州刺史鎮許昌。秦州刺史鎮上邽。荊州刺史鎮豐陽。洛州刺史鎮宜陽。并州刺史鎮蒲坂。苻堅時。分司隸爲雍州。分京兆爲咸陽郡。洛州刺史鎮陝城。滅燕之後。分幽州置平州。鎮龍城。幽州刺史鎮薊城。河州刺史鎮枹罕。并州刺史鎮晉陽。豫州刺史鎮洛陽。兖州刺史鎮倉垣。雍州刺史鎮蒲坂。於是移洛州居豐陽。以許昌置東豫州。以荊州刺史鎮襄陽。徐州刺史鎮彭城。旣而姚萇滅苻氏。是爲後秦。及萇子興尅洛陽。以并冀二州牧鎮蒲坂。豫州牧鎮洛陽。兖州刺史鎮倉垣。分司隸領北五郡。置雍州刺史。鎮安定。及姚泓爲劉裕所滅。其地尋入赫連勃勃。勃勃僭號于統萬。是爲夏。置幽州牧於大城。又平劉義真於長安。遣子瓚鎮焉。號曰南臺。以朔州牧鎮三城。秦州刺史鎮杏城。雍州刺史鎮陰密。并州刺史鎮蒲坂。梁州牧鎮安定。北秦州刺史鎮武功。豫州牧鎮李閏。荊州刺史鎮陝。其州郡之名。並不可知也。然自元帝渡江。所置州亦皆遙領。初以魏該爲雍州刺史。鎮鄠城。尋省。僑立始平郡。寄居武當城。有秦國流人至江南。改堂邑爲秦郡。僑立尉氏縣屬焉。康帝時。庾翼爲荊州刺史。遷鎮襄陽。其後秦雍流人多南出樊沔。孝武始於襄陽僑立雍州。仍立京兆。始平。扶風。河南。廣平。義成。北河南。七郡。

沅案沈志云。徐志雍州有北上。北京兆義隆三郡。北上洛。晉孝武立。領上洛。北商。鄠陽。陽亭。北拒陽。五縣。北京兆領北藍田。鄠城。山北三縣。並云。晉平中立。義陽。云晉安帝立。領平氏。襄鄉二縣。鄠陽。陽亭。北拒陽。並云安帝立。餘縣不注。置立今並。

無此三郡並屬襄陽。襄陽故屬荊州。

涼州案禹貢雍州之西界。周衰其地爲狄秦興美陽甘泉宮。本匈奴鑄金人祭天之處。匈奴既失甘泉。又使休屠渾邪王等居涼州之地。二王後以地降漢。漢置張掖、酒泉、敦煌、武威郡。其後又置金城郡。謂之河西五郡。漢改周之雍州爲涼州。蓋以地處西方常寒涼也。地勢西北邪出。在南山之間。南隔西羌。西通西域。于時號爲斷匈奴右臂。獻帝時涼州數有亂。河西五郡去州隔遠。於是乃別以爲雍州。末又依古典定九州。乃合關右以爲雍州。魏時復分以爲涼州刺史。領戊己校尉。護西域。如漢故事。至晉不改。沅案通典晉涼州理武威。統郡八。縣四十六。戶三萬七百。

金城郡。漢置。統縣五。戶二千。榆中。允街。金城。白土。沅案太平寰宇記。前涼張駿八年。改爲永固縣。浩疊。

西平郡。漢置。統縣四。戶四千。沅案通典。永嘉後禿髮烏孤初稱西平王。其弟利鹿孤復都此。

西都。臨羌。長寧。安夷。

武威郡。漢置。統縣七。戶五千九百。沅案郡國志。武威郡有輯陰陰密二縣。晉罷。後復。姑臧。沅案王隱晉書。此城匈奴所築。舊名蓋臧。城後人語譌爲姑臧城。

宣威。揖次。

倉松。沅案十六國春秋後涼呂光麟嘉四年以郭廩晉議改爲昌松兼于此立東張掖郡。

顯美。

驪軒。

番禾。沅案呂光載紀番禾太守呂暉。暉後又升作郡。禿髮傳檀載紀亦言武興番禾武威昌松四郡。

張掖郡漢置統縣三戶三千七百。沅案呂光載紀張掖所屬有邱池縣。

永平。沅案元和郡縣志本漢獲得縣晉改今名。

臨澤漢昭武縣避景帝諱改也。

屋蘭漢因屋蘭名焉。

西郡漢置統縣五戶一千九百日勒。

刪丹。沅案太平寰宇記晉分丹立蘭池萬歲仙拉三縣。

仙提。

萬歲。

蘭池一云蘭絕池。

酒泉郡漢置統縣九戶四千四百。

福祿。

會水。

安彌。

驛馬。

樂涓。

表氏。

延壽。

玉門。

沙頭。

敦煌郡漢置統縣十二戶六千三百。

沅案太平寰宇記苻堅時徙江漢流人萬餘戶于敦煌又徙中州不闕田疇民七千餘戶于此涼武昭王遂以南人置會稽郡以中州人置廣夏郡十六國春秋涼武昭王元年分敦煌

之涼與烏澤管昌之宜禾三縣置涼興郡。

昌蒲。

敦煌。

龍勒。

陽關。

效穀。

廣至。

宜禾。

宜安。

沅案應作冥安元和郡縣志以縣界冥水爲名。

深泉。

伊吾新鄉乾齊。

西海郡故屬張掖漢獻帝興平二年武威太守張雅請置統縣一戶二千五百。

居延澤在東南尙書所謂流沙也。

元康五年，惠帝分敦煌郡之宜禾、伊吾、宜安、深泉、廣至等五縣，分酒泉之沙頭縣。又別立會稽新鄉。凡八縣爲晉昌郡。永寧中，張軌爲涼州刺史，鎮武威。上表請合秦雍流移人於姑臧西北，置武興郡，統武興、大城、烏支、襄武、晏然、新鄯、平狄、司監等縣。又分西平界置晉興郡，統晉興、枹罕、永固、臨津、臨鄯、廣昌、大夏、遂興、罕唐、左南等縣。是時中原淪沒，元帝徙居江左，軌乃控據河西，稱晉正朔，是爲前涼。及張寔分金城之令居、枝楊、一作陽二縣，又立永登縣，合三縣立廣武郡。張茂分武鄉、金城、西平、安故爲定州。張駿分武威、武

興、西平、張掖、酒泉、建康、四郡、湟河、晉興、須武，合十一郡爲涼州。興晉、金城、武始、南安、永晉、大夏、武成、漢中、爲河州。敦煌、晉昌、西域都護張茂以校尉玉門大護軍三郡三營爲沙州。張駿假涼州都督攝三州。

沅案元和

郡縣志：晉成帝咸和中，張駿于高昌壁置高昌郡。

張祚又以敦煌郡爲商州，永興中置漢陽縣以守牧地。張元靚改爲祁連郡。張天錫

又別置臨松郡。

沅案沮渠蒙遜載記：斬呂光臨松令并詳，則臨松又有縣。

天錫降於苻氏，其地尋爲呂光所據。呂光都於姑臧，後以郭纂言

識，改昌松爲東張掖郡。及呂隆降於姚興，其地三分。武昭王爲西涼，建號於敦煌。秃髮烏孤爲南涼，建號於樂都。沮渠蒙遜爲北涼，建號於張掖，而分據河西五郡。

秦州案禹貢本雍州之域，魏始分隴右置焉。刺史領護羌校尉，中間暫廢。及秦始皇五年，又以雍州隴西五

郡及涼州之金城、梁州之陰平，合七郡置秦州。鎮冀城。太康三年罷秦州，并雍州。七年復立鎮上邽。

元案宋志

秦州治天水冀縣。統郡六，縣二十四，戶三萬二千一百。

隴西郡，秦置，統縣四，戶三千。元案通典：前涼張寔置廣武郡，又分置武始郡。西秦乞伏國仁都苑川、南涼秃髮烏孤都廣武，皆此地也。王隱晉書：關池縣屬隴西郡。

襄武、首陽、烏鼠山在

東。臨洮、狄道。元案元和郡縣志：晉改爲武始縣。地形志：晉分隴西置武始郡，縣屬焉。

南安郡，漢置，統縣三，戶四千三百。獮道、新興、中陶。

天水郡，漢武置，孝明改爲漢陽，晉復爲天水，統縣六，戶八千五百。上邽、冀、秦州故居、始昌、新陽。

顯新、漢顯親縣，成紀。

略陽郡，本名廣魏，秦始中更名焉，統縣四，戶九千三百二十。臨渭、平襄、略陽、清水。元案地形志：後漢罷晉復屬，又云：戎

邑，隴、隴城、阿陽四縣皆晉置。

武都郡，漢置，統縣五，戶三千。元案太平寰宇記：悉帶末劉曜入長安，氐羌相率降伏，其後有氐豪苻拔勇健爲氐所推，王子武都之地，自萬之元孫雖立，乃分諸氐羌爲立，轄二十部護軍，各爲鎮戍，不置郡縣。又云：晉武帝時，氐豪

楊定擁衆仇池，稱藩于晉，求割天水之西，將武都之上，以爲仇池郡。沈約宋志：武都有上縣，漢舊縣，後晉晉武太康三年又立，今考晉書地理志不載此縣，蓋武帝後復廢。下辯、河池。元案華陽國志：河池一名仇池。沮、武

都。故道。阮案太平寰宇記永嘉之後郡沒氏羌。

陰平郡。秦始中置。統縣二。戶三千。

陰平。阮案元和郡縣志永嘉末地陷少雄縣遂廢。

平廣。阮案元和郡縣志寄于江油置平武縣。陰平郡樂史同。

惠帝分隴西之狄道、臨洮、河關。又立洮陽、遂平、武街、始興、第五、真仇、六縣。合九縣置狄道郡。屬秦州。張駿

分屬涼州。又以狄道縣立武始郡。

阮案十六國春秋張駿十八年又分武始與平廣武置大夏郡及縣取縣四大夏水爲名。

江左分梁爲秦。寄居梁州。

阮案何承天志晉孝武復

立梁州寄治襄陽安

帝世在漢中南鄭。又立氐池爲北秦州。

梁州案禹貢華陽黑水之地。舜置十二牧。則其一也。梁者言西力金剛之氣彊梁。故因名焉。周禮職方氏以梁并雍。漢不立州名。以其地爲益州。及獻帝初平六年。以臨江縣屬永寧郡。建安六年。劉璋改永寧爲巴東郡。分巴郡、墊江、置巴西郡。劉備據蜀。又分廣漢之葭萌、涪城、梓潼、白水四縣。改葭萌曰漢壽。又立漢德縣。以爲梓潼郡。割巴郡之宕渠、宜漢、漢昌三縣。置宕渠郡。尋省。以縣並屬巴西郡。泰始三年。分益州立梁州於漢中。改漢壽爲晉壽。又分廣漢置新都郡。阮案通典晉梁州理南鄭。梁州統郡八。縣三十八。戶七萬六千三百。

漢中郡。秦置。統縣八。戶一萬五千。

阮案沈志漢獻帝二十年魏武平張魯復漢寧郡爲漢中疑是此前改漢中曰漢寧也晉地記云孝武太元十五年梁州刺史周表立。又疑是李氏所省。李氏平後復立。樂史稱王隱晉書云。

魏末克蜀分廣漢、巴、涪陵、以北七郡為梁州。理漢中之沔陽。唐晉太康中州又移理漢中郡。領縣八。後李特據蜀。漢中又陷。及桓溫平蜀。梁州刺史復理漢中郡。並縱時又失。漢中刺史寄理魏興郡。縱滅。復理漢中之葭中縣。今褒城是也。東晉末又移理城固。

南鄭。

沔案沈志云。何志晉穆帝又立南漢縣。

蒲池。

褒中。

沔案太平寰宇記。東晉義熙末。梁州刺史理此。仍改為葭中縣。

沔陽。

成固。

沔案元和郡縣志。晉平驪縱。後。梁州刺史嘗理于此也。

西鄉。

沔案沈志。

蜀先主分城固立南鄉縣。晉太康二年更名。

黃金。

興道。

沔案通典。蜀分成固立興道。案今名蒼晉所改。

梓潼郡。蜀置。統縣八。戶一萬二千。

沔案晉太康地志。劉氏分廣漢立永初郡。國志梓潼郡又有漢德。新與二縣。徐云。新興。義熙九年立。漢德。舊縣。沈志云。漢德疑劉氏所立。

梓潼。

涪城。

沔案太平

寰宇記。晉孝武移梓潼郡置于此。元和郡縣志。晉孝武于此僞置西平國。益昌二縣。

武連。

萬安。

沔案太平寰宇記。晉于涪縣梓潼。水尾。萬安。故城置萬安縣。晉末亂。移就厚亭。

漢德。

晉壽。

沔案沈志云。康元年改梓。晉起

居注。武帝太漢之漢壽曰晉壽。

劍閣。

白水。

廣漢郡。漢置。統縣三。戶三萬一千。

沔案一本作五千一百。

廣漢。

沔案太平寰宇記。晉孝武于此立晉興縣。

德陽。

沔案太平寰宇記。穆帝永和十一年于此置蓬寧郡。更立小縣。巴興縣屬焉。

五城。

新都郡。泰始二年置。統縣四。戶二萬四千五百。雒。什方。縣竹。新都。

涪陵郡、蜀置。統縣五戶四千二百。沅案太平寰宇記稱。晉太康地記云。晉省丹興縣。移理漢復。元和郡縣志。晉永嘉後地沒于蠻夷。漢復。涪陵。漢平。漢葭。

萬寧。

巴郡、秦置。統縣四戶三千三百。江州。墊江。臨江。枳。沅案太平寰宇記。桓溫定蜀。別立枳縣于涪陵郡東北一十里。隋漢口。又置枳城郡。尋廢。

巴西郡、蜀置。統縣九戶一萬二千。沅案。魏周巴記。建安六年。劉璋分巴郡墊江以上爲巴西。郡據此。則巴西郡劉璋時分置。徐志以爲晉武帝時立。非。閬中。沅案太平寰宇記。晉立巴郡于閬中。更析置晉安縣。

西充國。沅案太平寰宇記。李雄亂後。其城荒廢。蒼溪。岐愜。南充國。漢昌。沅案。樂史稱。四夷縣道記云。李特孫時。有羣獠十餘萬。從南越入蜀。漢閒。散居山谷。因斯流布在此地。後遂爲獠所據。歷

代羈縻不置郡縣。宕渠。安漢。平州。

巴東郡、漢置。統縣三戶六千五百。魚腹。胸臆。沅案太平寰宇記。建安二十一年。蜀先主于此置漢豐縣。以漢上豐縣爲名。南浦。

太康六年。九月。罷新都郡。并廣漢郡。惠帝復分巴西置宕渠郡。統宕渠、漢昌、宣漢、三縣。沅案水經注。巴水出晉昌郡宣漢縣巴嶺山。郡

隸梁州。晉太康中立。治漢山。曷晉昌郡太康中。晉志爲建在桓溫平蜀後。蓋誤。并以新城、魏興、上庸、合四郡以屬梁州。尋而梁州郡縣沒于李特。永嘉中

又分屬楊茂搜。其晉人流寓於梁、益者，仍於二州立南北二陰平郡。及桓溫平蜀之後，以巴漢流人立晉昌郡。領長樂、安晉、延壽、安樂、宣漢、寧都、新興、吉陽、東關、永安十縣。又置益昌、晉興二縣，屬巴西郡。於德陽界東南置遂寧郡。沅案遂寧郡有小縣巴興等縣，皆穆帝永和十一年立。又於晉壽置劍閣縣，屬梁州。後孝武分梓潼北界立晉壽郡。沅案沈志

晉地記孝武太元十五年。梁州刺史周馥表立。統晉壽、白水、邵歡、興安四縣。梓潼郡徙居梓潼，罷劍閣縣。又別置南漢中郡。沅案沈志晉地記孝武太元十五年。

元十五年，梁州刺史周馥表立。分巴西、梓潼為金山郡。及安帝時，又立新巴、汶陽二郡。沅案沈志新巴有新安，晉城晉安三縣俱晉安軍立。又有北新巴、華陽

南陰平、北陰平四郡。沅案晉太康地志北陰平，故廣漢屬國都尉有平武令，蜀立曰廣武，晉武帝太康元年更名。其後又立巴渠、懷安、宋熙、白水、上洛、北上洛、南

宕渠、懷漢、新興、安康等十郡。

益州案禹貢及舜十二牧，俱為梁州之域。周合梁於雍，則又為雍州之地。春秋元命包云：參伐流為益州。益之為言阨也。言其所在之地險阨也。亦曰疆壤益大，故以為名焉。始秦惠王滅蜀置郡，以張若為蜀守。及始皇置三十六郡，蜀郡之名不改。漢初有漢中巴蜀。高祖六年，分蜀置廣漢。凡為四郡。武帝開西南夷，更置犍為、牂柯、越巂、益州四郡。凡八郡。遂置益州統焉。益州蓋始此也。及後漢明帝以新附置永昌郡。安帝又以諸道置蜀、廣漢、犍為三郡屬國都尉。及靈帝又以汶江、蠶陵、廣柔三縣立汶山郡。獻帝初平元年。

升遷。都安。

廣陽。

沅案漢汶江縣。晉改為廣陽。太平寰宇記。縣晉廢。晉末縣廢。

興樂。

沅案沈志。晉太康地記云。元年。更名。本曰白馬。屬汶山。何志。漢舊縣。檢二漢益部。無白馬縣。

平康。

蠶陵。

廣柔。

漢嘉郡。蜀置。統縣四。戶一萬三千。

沅案沈志。晉江左省。漢嘉郡為縣。

漢嘉。

徒陽。

嚴道。

沅案樂史稱李膺記。晉永嘉分。別李雄竊據。此地無廢。

旄牛。

江陽郡。蜀置。統縣三。戶三千一百。

沅案沈志。晉李武子江陽郡立。常安縣。

江陽。

沅案元和郡縣志。晉於此置錦水縣。

符。

沅案元和郡縣志。晉穆帝於此置安樂縣。

漢安。

朱提郡。蜀置。統縣五。戶五萬二千六百。

沅案一本作四百。誤。

朱提。

南廣。

沅案水經注。劍禪延康中。即縣立南廣郡。今考南廣郡廢置。蓋歷宋志。言晉武帝分朱提置南廣。蓋魏平蜀後。

郡廢。至是又置也。至武帝末。益州騷李特之亂。郡蓋又廢。故王隱傳。元帝時。遷為寧州刺史。以地勢形便。上分詳柯為不夷郡。分朱提為南廣郡。分建寧為夜郎郡。分永昌為梁水郡。又改益州郡為晉寧郡。則南廣郡歷歷而屢置可知。

漢陽。

南秦。

沅案沈志。本名南昌。晉武帝太康元年更名。

堂狼。

越雋郡。漢置。統縣五。戶五萬三千四百。

會無。

邛都。

卑水。

定笮。

臺登。

詳柯郡。漢置。統縣八。戶一千二百。

萬壽。

沅案沈志。晉武帝立。

且蘭。

沅案太康地志。無此縣。

指談。

夜郎。

毋劍。

井渠。

警。

平夷。

惠帝之後李特僭號於蜀稱漢益州郡縣皆沒于特李特又分漢嘉蜀二郡立沉黎漢原二郡是時益州郡縣雖沒李氏江左並遙置之桓溫滅蜀其地復為晉有省漢原沉黎而立南陰平晉原寧蜀始寧四郡焉。

沅案李雄分蜀為漢原晉穆帝更名

咸安二年益州復沒於苻氏太和八年復為晉有隆安二年又立晉熙遂寧晉寧三郡

云。沅案沈志晉安帝立始康晉熙二郡始康郡領始康新城縣晉熙四縣晉熙郡領晉熙其屬二縣

寧州於漢魏為益州之域秦始皇七年武帝以益州地廣分益州

之建寧與古雲南交州之永昌合四郡為寧州。沅案通典晉寧州理雲南統縣四十五戶八萬三千。

雲南郡蜀置統縣九戶九千二百。沅案沈志晉成帝復分爵興郡

雲平。沅案沈志晉武帝咸寧五年立雲南。柎棟。青蛉。姑復。邪

龍。櫟榆。遂久。永寧。

與古郡蜀置統縣十一戶六千二百。

沅案沈志晉懷帝永嘉五年寧州刺史王遜分與古之東立西平郡何承天志所領西平溫江都陽晉綏義成五郡俱晉成帝立沈約云此五縣應與郡俱立律高。

句町。宛溫。漏臥。母掇。沅案沈志漢舊縣劉氏改曰西

賁古。滕休。鐸封。漢興。進乘。都箴。沅案沈志

晉起居注太康二年置
與古之郡唐縣疑是

建寧郡蜀置統縣十七戶二萬九千。沅案沈志晉武帝復立同樂縣屬建寧又同前漢舊縣晉武帝咸寧五年省哀帝復立又江左復立萬安新興二縣 味 昆澤 存駟 新

定 談羸。沅案沈志漢舊縣屬牂柯晉武帝立滿江亦同 母單 同瀨 漏江 牧麻 穀昌 連然 秦威 雙柏 俞元。沅案沈志晉武

帝咸寧元年分節元修雲二縣開流民復立律高縣屬與古郡 修雲 冷邱 滇池

永昌郡漢置統縣八戶三萬八千。沅案沈志晉國帝永嘉五年寧州刺史王遜分永昌雲南立東河陽郡東河陽縣疑與郡俱立晉成帝復分河陽立西河郡並立成昌建安二縣 不韋 永壽

比蘇 雍鄉 南涪 舊唐 哀牢 博南 太康三年武帝又廢寧州入益州立南夷校尉以護之

太安二年惠帝復置寧州又分建寧以西七縣別立為益州郡。沅案沈志晉成帝復分建寧立建寧郡領新安經雲永豐臨江麻應遠安六縣 永嘉二年

改益州郡曰晉寧分牂柯立平夷夜郎二郡。沅案沈志晉國帝永嘉五年寧州刺史王遜分牂柯朱提建寧立平夷夜郎二郡平夷後遙和溫壽改平蠻十三州志分牂柯置夜郎郡兼置兗州 然是

時其地再為李特所有其後李壽分寧州興古永昌雲南朱提越嵩河陽六郡為漢州咸康四年分牂柯夜郎朱提越嵩四郡置安州八年又罷并寧州以越嵩還屬益州省永昌郡焉

晉書地理志新補正卷四

地理下

青州

徐州

荊州

揚州

交州

廣州

青州、案禹貢爲海岱之地。舜置十二牧。則其一也。舜以青州越海。又分爲營州。則遼東本爲青州矣。周禮正東曰青州。蓋取土居少陽。其色爲青。故以名也。春秋元命包云。虛危流爲青州。漢武帝置十三州。因舊名。歷後漢至晉不改。

通典。晉青州。理臨淄。沈志。江左僑立。治廣陵。

州統郡國六。縣三十七。戶五萬三千。

齊國、秦置郡。漢以爲國。景帝以爲北海郡。統縣五。戶一萬四千。

阮案。晉太康地志。有般陽縣。此不載。蓋後省。

臨淄。

阮案。太平寰宇記。臨淄縣下云。後漢爲營

陵縣晉復爲臨淄。今考元和郡縣志。後漢管陵縣屬北海國。臨淄縣屬齊國。樂史并爲一。恐誤。

西安有棘里亭。東安平女水出東北。廣饒。昌國樂毅所封。阮案

沈志。又有益都縣。云魏立。而此志不錄。蓋晉省。

濟南郡漢置統縣五戶五千。

阮案杜預莊公十年左傳注。濟南郡有平陵縣。昭公十年注。濟南有於陵縣。魏書地形志。歷城晉屬濟南。沈志。平陵縣漢至晉。並曰東平陵。太平寰

宇記。永嘉末。濟南自東平陵移理歷城。又云。郡平縣後漢及晉不改。永嘉之亂。其縣始廢。則西晉時有此諸縣也。

或云。魏平蜀徙其豪將家於濟河北。故改爲濟岷郡。

阮案沈志。濟岷郡晉

安帝義熙中。土斷并濟南。則晉書曾分濟南立濟岷。非竟改濟南作濟岷也。此注云。改爲濟岷郡。似誤。

而太康地理志無此郡名。未之詳。

阮案太康地志。恐並無濟南郡。今考此志。濟南郡領縣五。下密。膠東。即墨。太康地志

云。屬北海祝阿。太康地志無唯平壽一縣。兩漢本屬北海。則太康地志無濟南郡可知。疑武帝以後始改北海爲濟南。但無明文可據耳。

平壽古國寒浞封此。

下密有三石祠。

膠東侯國。

即墨有天山祠。

阮案太康地志。膠東。即墨。下密。俱云屬北海。通典。北海郡下云。晉爲北海。樂安二國之地。疑晉初有北海郡。無濟南郡。俟考。又地形志云。即墨。晉屬長廣。

祝阿。

阮案太平寰宇記。於陵縣自漢至晉不改。今考此志無之。

當屬中葉後省。

樂安國漢置統縣八戶一萬一千。高苑。臨濟有蚩尤祠。博昌有薄姑祠。利益侯相。蓼城侯國。

鄒壽光古斟灌氏所封國。

東朝陽。

阮案杜預襄公二十七年左傳注。濟南東朝陽縣。與太康地志異。此志本太康地志。

城陽郡、漢置、屬北海。自魏至晉分北海而立焉。郡統縣十戶一萬二千。

莒、故莒子國。

沅案太平寰宇記魏明帝復城陽郡莒縣屬焉而城陽郡徙理東武晉太康十年割莒縣屬東莞郡。自東莞移理莒城南燕錄曰慕容德以尚書潘聰為徐州刺史鎮莒城又以相遵為徐州刺史亦理此。

姑幕、古薄

姑氏國。

諸。

淳于、故淳于公國。

東武。

高密、漢改為都。

壯武。

黔陬。

平昌。

昌安。

東萊國、漢置郡、統縣六戶六千五百。

掖、侯相。

沅案太平寰宇記東萊郡後漢移理黃縣魏不改晉武帝太康四年徙遼東王綽為東萊王復理掖。

當利、侯國。

盧鄉。

曲城。

黃、有萊山松林來君祠。

傲、侯國、有百支來王祠。

沅案太平寰宇記李平晉屬東萊國地形志晉能後復。

長廣郡、咸寧三年置、統縣三戶四千五百。

沅案地形志二漢屬東萊後魏晉恭帝後後屬長廣太平寰宇記晉無昌陽縣又稱顧野王曰晉恭帝元康八年復立昌陽縣屬長廣郡。

不其、侯

國、長廣、挺。

惠帝元康十年又置平昌郡。

沅案安德陳太后傳廣為平昌太守。

又分城陽之黔陬、壯武、淳于、昌安、高密、平昌、營陵、安邱、大劇、

臨朐、十一縣為高密國、自永嘉喪亂。

沅案晉書本紀永嘉元年東萊人王彌反東平太守廂仇長廣太守宋顯並遇害是永嘉時又有東平未知何時所立也。

青州淪沒石氏、東萊

人曹嶷爲刺史造廣固城。

沅案齊地記晉永嘉五年東萊曹嶷爲刺史所築有大淵其廣固之爲固謂之廣固城初南燕慕容德請所都尙書潘昭曰青齊沃壤號曰東秦土方二千戶餘十萬廣固者曹嶷之所營山川險阻爲帝王之都

德從後爲石季龍所滅季龍末遼西段龕自號齊王據青州慕容恪滅趙尅青州苻氏平燕盡有其地及

苻氏敗後刺史苻郎以州降朝廷置幽州以別駕辟閭渾爲刺史鎮廣固隆安四年爲慕容德所滅遂都之是爲南燕復改爲青州德以并州牧鎮陰平幽州刺史鎮發干徐州刺史鎮莒城青州刺史鎮東萊兗州刺史鎮梁父慕容超移青州於東萊郡後爲劉裕所滅留長史羊穆之爲青州刺史築東陽城而居之自元帝渡江於廣陵僑置青州至是始置北青州鎮東陽城以僑立州爲南青州而後省南青州而北青州直曰青州。

徐州案禹貢海岱及淮之地舜置十二牧則其一也於周入青州之域春秋元命包云天氏流爲徐州蓋取舒緩之義或云因徐邱以立名秦兼天下以置泗水薛琅邪三郡楚漢之際分置東陽郡漢又分置東海郡改泗水爲沛改薛爲魯分沛置楚國以東陽屬吳國景帝改吳爲江都武帝分沛東陽置臨淮郡改江都爲廣陵及置十三州以其地爲徐州統楚國及東海琅邪臨淮廣陵四郡宣帝改楚爲彭城郡後漢改爲彭城國以沛郡之廣戚縣來屬改臨淮爲下邳國及太康元年復分下邳屬縣在淮南者置臨淮郡分琅邪置東莞郡

沅案通典晉徐州理彭城

州凡領郡國七縣六十一戶八萬一千二十一

彭城國、漢以爲郡、統縣七、戶四千一百二十一。彭城、故殷伯大彭國。沅案元和郡縣志、彭城州、城東、晉對劉裕爲宋公都此。留、張良所

封、廣戚、傅陽、武原、呂、梧。

下邳國、漢置爲臨淮郡、統縣七、戶七千五百。沅案通典、東晉又分置伯遷郡。下邳、葛嶧山在西首、古嶧陽也、韓信爲楚王

都之。沅案太平寰宇記、晉太康元年、自徐城移下邳國遷此、封安平王子晃爲王。凌。沅案凌、後漢屬廣陵、太平寰宇記云、太康地志屬下邳、晉武帝以南有廣陵、故曰北陵、又云凌、永嘉後省。良城、侯相、睢陵。

夏邱、取慮、僮。

東海郡、漢置、統縣十二、戶一萬一千一百。郟、故郟子國、祝其、羽山在縣之西、胸、襄賁、利城。

贛榆。沅案沈志、魏省、晉太康元年復立、尋又省。厚邱、蘭陵、承、昌慮、合鄉、戚。

琅邪國、秦置郡、統縣九、戶二萬九千五百。沅案元和郡縣志、晉元帝于郟置發干戍、以南軍鎮之、自永嘉之後、琅邪陷于苻寇、咸于丹陽江乘縣界別立南琅邪郡。開陽、侯相。

臨沂、陽都、繒、卽邱、華、費、魯季氏邑、東安、蒙陰、山在西南。沅案地形志、陰、安曰朱虛、晉皆屬琅邪。

東莞郡、太康中置、統縣八、戶一萬。沅案沈志、咸寧三年、復以東莞郡合琅邪、太康十年復立。東莞、故魯鄆邑、朱虛、營陵、尙父、呂望所封。

安邱、故莒渠邱父封邑。蓋。臨朐、有海水祠。劇。廣。沅案太平寰宇記。東武縣。晉屬東莞郡。案今地志不載。或咸寧三年省郡時。劇并廢。後郡復立。遂不置東武縣也。又云。晉

太康十年。割莒縣入東莞。廣陵郡。漢置。統縣八戶八千八百。沅案通典。東晉末。以廣陵控接三齊。故青。兗。二州刺史。皆鎮于此。又晉安帝置六合縣。沈志。海陵縣。三國時廢。晉武帝太康元年復立。

淮陰。射陽。沅案沈志。三國時廢。晉太康元年復立。又廣陵縣亦太康二年復立。今案志無此縣。蓋後復省。輿。海陽、有江海會祠。廣陵。鹽漬。沅案通典。晉安帝更名爲鹽城。

淮浦。江都、有江水祠。沅案沈志。三國時廢。太康六年復立。江左又省并輿縣。

臨淮郡。漢置。章帝以合下邳。太康元年復立。統縣十戶一萬。盱眙。沅案太平寰宇記。晉義熙中。又置盱眙郡。又云。廢于今盱眙縣東一里。臺子山上。東

陽。高山。贅其。潘旌。高郵。沅案沈志。縣。三國時廢。太康中復立。淮陵。沅案晉書蘇峻傳。除淮陵內史。則淮陵又作國。司吾。下相。徐。沅案元和郡縣志。晉太康

三年復置。屬臨淮。

太康十年。以青州城陽郡之莒。姑幕。諸。東武。四縣屬東莞。元康元年。分東海置蘭陵郡。沅案太平寰宇記。分東海之蘭陵。承感合。郡。昌

慮。五縣。置蘭陵郡。承感。合。郡。昌。七年。又分東莞置東安郡。沅案沈志。晉惠帝立東安郡。領縣三。分臨淮置淮陵郡。沅案沈志。惠帝永寧元紀。以爲淮陵國。所領有司吾。徐。下邳。廣陽。等縣。以堂邑

置堂邑郡。元案沈志晉安帝改堂邑爲桑郡。王國寶傳堂邑太守楊佺期傳同。

永嘉之亂，臨淮、淮陵並淪沒，石氏元帝渡江之後，徐州所得惟半。

乃僑置淮陽、陽平、濟陰、北濟陰、四郡。元案沈志晉安帝于淮陽郡立督預縣。又琅邪國人隨帝過江者，遂置懷德縣及琅邪郡，以

統之。元案沈志成帝咸康元年，桓溫領郡，鎮江乘之，糴州金城。上求割丹陽之江乘縣境立郡，又分江乘縣地立臨沂縣。是時幽、冀、青、并、兗、五州及徐州之淮北流人相帥過江。

淮帝並僑立郡縣以司牧之，割吳郡之海虞北境立郟、朐、利城、祝其、厚邱、西隰、襄賁、七縣，寄居曲阿。以江

乘置南東海、南琅邪、南東平、南蘭陵等郡，分武進立臨淮、淮陵、南彭城等郡，屬南徐州。又置頓邱郡，屬北

徐州。明帝又立南沛。元案沈志南沛郡晉成帝立。南清河、南下邳、南東莞、南平昌、南濟陰、南濮陽、南太平、南泰山、南濟陽、

南魯等郡，以屬徐、兗、二州。初或居江南，或居江北，或以兗州領州郡，鑿都督青、兗、二州諸軍事，兗州刺史

加領徐州刺史，鎮廣陵。蘇峻平後，自廣陵還鎮京口，又於濮故九江郡界置鍾離郡。元案沈志漢九江郡，晉淮南郡，有鍾離縣，即此地也。

屬南徐州。江北又僑立幽、冀、青、并、四州。穆帝時移南東海七縣出居京口。義熙七年始分淮北爲北徐州。

淮南但爲徐州。統彭城、沛、下邳、蘭陵、東莞、東安、琅邪、淮陽、陽平、濟陰、北濟陰十一郡，以盱眙立盱眙郡。元案

沈志晉安立統考城直瀆陽城三縣又分廣陵界置海陵山陽二郡沅案沈志海陵郡領建陵臨江如皋寧海蒲濤五縣俱晉安帝立山陽郡領山陽鹽城東城左鄉四

縣鹽城漢舊縣三國時晉武帝太康二年復立晉安帝更名三縣俱安帝立後又以幽冀合徐州青州并合兗州

荊州案禹貢荊及衡陽之地舜置十二牧則其一也周禮正南曰荊州春秋元命包云軫星散爲荊州荆強也言其氣躁強亦曰警也言南蠻數爲寇逆其人有道後服無道先強常警備也又云取名於荆山六國時其地爲楚及秦取楚鄢郢爲南郡又取巫中地爲黔中郡以楚之漢北立南陽郡滅楚之後分黔中爲長沙郡漢高祖分長沙爲桂陽郡改黔中爲武陵郡分南郡爲江夏郡武帝又分長沙爲零陵郡及置十三州因舊名爲荊州統南郡南陽零陵桂陽武陵長沙江夏七郡

沅案後漢書劉表傳荊州八郡漢官荊州統長沙零陵桂陽南陽江陵武陵南郡零陵案章

陵不知何時始置惟魏志趙嚴傳太祖征荊州以嚴領章陵太守疑郡屬建安時所立又江陵宜作江夏後漢獻帝建安十三年魏武盡得荊州之地分南郡以北立襄陽

郡又分南陽西界立南鄉郡分枝江以西立臨江郡及敗於赤壁南郡以南屬吳吳後遂與蜀分荊州於是南郡零陵武陵以西爲蜀江夏桂陽長沙三郡爲吳南陽襄陽南鄉三郡爲魏而荊州之名南北雙立蜀分南郡立宜都郡劉備沒後宜都武陵零陵南郡四郡之地悉復屬吳魏文帝以漢中遺黎立魏與新

城、二郡。明帝分新城立上庸郡。孫權分江夏立武昌郡。又分蒼梧立臨賀郡。分長沙立衡陽、湘東、二郡。阮案
吳志在孫亮太平二年。此云橫分置縣。孫休分武陵立天門郡。分宜都立建平郡。孫皓分零陵立始安郡。分桂陽立始興郡。又分

零陵立邵陵郡。分長沙立安成郡。荊州統南郡、武昌、武陵、宜都、建平、天門、長沙、零陵、桂陽、衡陽、湘東、邵陵、臨賀、始興、始安、十五郡。其南陽、江夏、襄陽、南鄉、魏興、新城、上庸、七郡屬魏之荊州。及武帝平吳，分南郡爲

南平郡。分南陽立義陽郡。改南鄉爲順陽郡。又以始興、始安、臨賀、三郡屬廣州。以揚州之安成郡來屬。阮案

晉書荊州刺史璆襄陽、涪平吳。復理南陵、羊祜、杜預、繼領荊州。或鑄襄陽。或鎮江陵。王敦爲刺史。理武昌。桓溫以永和元年督荊州。鎮夏口。八年。還江陵。始營城府。此後嘗以江陵爲州理。沈志。陶侃前治沔陽。後治武昌。王廙治江陵。庾翼進襄陽。復還夏口。桓溫治江陵。桓沖治上明。王昶還州統郡二十二。縣一百六十七。戶三十五萬七千五百四十八。
江陵。此後遂治江陵。

江夏郡。漢置。統縣七。戶二萬四千。安陸、橫、尾山在東北。古之陪尾山。阮案通典。晉後復置安陸郡。不同。何求別立縣。因割安陸東界爲縣。沈志。失立石

陽縣。晉起居注。太康元年。改曰雲杜。故雲子國。曲陵。平春。鄆。竟陵。章山在東北。古之內方山。阮案太平

曲陽。明帝太始六年。并安陸。南新市。
陵。晉武帝改爲長壽。屬竟陵。
晉紀。咸和二年。竟陵太守李陽。

南郡、漢置、統縣十二、戶五萬五千。

沅案沈志晉武帝太康元年改曰新郡尋復故

江陵、故楚都。

編、有雲夢官。

當陽、華容。

沅案沈志

晉武帝太康元年省後復立。

都、故都子國。

枝江、故羅國。

旌陽。

州陵、楚嬖人州侯所邑。

監利。

沅案荆州圖副晉太康五年立屬南郡。

松

滋。沅案晉太康地志咸康三年以松滋流戶在荆土者立松滋縣。

石首。

襄陽郡、魏置、統縣八、戶二萬二千七百。

宜城、故郢也。

中廬。

臨沮、荆山在東北。

沅案太平寰宇記晉安帝分立高安縣、郢仲、濟南、雍州記。

晉平吳割臨沮之北鄉立上黃縣、水經注晉成和中以縣為沮陽郡治。

郢。

襄陽、侯相。

山都。

鄧城。

鄧。

南陽國、秦置郡、統縣十四、戶二萬四千四百。

宛。

西鄂、侯相。

雒。

魯陽、公國相。

犍。

清陽、公國相。

沅案沈志晉孝武改名雲陽、水經注縣故南陽典屬治、後以為清陽郡、省郡復縣、燕晉簡文薛更名雲陽焉。

博望、公國相。

堵陽。

葉、侯相、有長城山、號曰方城。

舞陰。

公國相。比陽、公國相。涅陽、冠軍。鄆。

順陽郡、太康中置、統縣八、戶二萬一百。

沅案魏分南陽立南鄉郡、晉武帝改今名、此注云太康中設、沈志晉成帝咸康四年復立南鄉郡、後復置。

鄆。

順陽。

南鄉。

丹水。沅案太平寰宇記永嘉亂後廢。

武當侯相。

陰。沅案太平寰宇記陰城縣圖經云晉咸寧中封扶風王子暢為順陽王城內有順陽碑。

筑陽。沅案水經注晉分筑陽立陽縣。

析。沅案太平寰宇記永

嘉末沒。子劉聰。義陽郡。太康中置。統縣十二戶一萬九千。

沅案元和郡縣志云晉太康九年分義陽郡置隨郡太平寰宇記晉武帝太始元年割隨陽之東鄙復置義陽郡封安平獻土孚次子望為義陽王元帝

遷郡淪陷劉石安帝時以流人在南郡者立南義陽于南郡郭下。

新野侯相。

穰。

鄧故鄧侯國。

蔡陽。

隨故隨國。

沅案水經注武帝太康中立為郡。

安昌。

棘陽。

厥西。沅案今本誤作二縣今從沈志改正。

平氏。桐柏山在南。

義陽。

沅案沈志縣旋置孝武孝建三年復分平陽立。

平林。

沅案水經注永和五年晉入司馬桓溫築新城。

朝陽。

新城郡。魏置。統縣四戶一萬五千二百。

沅案水經注沮水又東南逕汝陽郡北即高安縣界郡治錫城縣居郡下城故新城之下邑義熙初分新城立。

房陵。

沅案太康地志無此縣。

綏陽。

沅案綏陽沈志魏立為縣歸晉武帝太康二年復為綏陽。

昌魏。涿鄉。

魏興郡。魏置。統縣六戶一萬二千。

沅案太平寰宇記郡魏文帝時理洵口晉太康二年移理錫縣三年始改理平陽至元康中又移理錫縣永嘉後又移理四城。

晉興。

沅案沈志魏立曰平陽晉武帝太康元年

更名。安康。沅案沈志漢安陽縣晉太康元年改今名。

西城。

錫。沅案沈志晉武帝太康五年改為郡鄉又云前漢北利縣屬漢中後漢省晉武帝太康四年復立屬魏興五年改長利為錫。

長利。

洵陽。沅案

沈志。晉武帝太康四年復立。

上庸郡、魏置、統縣六、戶一萬一千四百四十八。

沅案沈志、魏明帝太和二年、分新城之上庸、武陵、北平、爲上庸郡、景初元年、又分、興之魏陽、陽郡之安富、庸爲郡、疑是太和後省、景初又立也、又引

晉地記、武帝太康元年、改上庸之廣昌爲庸昌、三年省。

上庸、侯相。

安富。

北巫。

沅案何承天志、晉武帝立、沈志、魏州、分新城之巫、卽是此縣、何說非。

武陵。

沅案太康地志無此縣。

上廉。

沅案太平寰宇記、晉于西城縣置上廉縣、取上廉水爲名、尋又改爲吉陽縣、周地脚記曰、上廉縣後移還上庸、又于平利置吉陽。

微陽。

沅案魏立爲建始縣、晉武帝改今名。

建平郡、吳、晉、各有建平郡、太康元年合、統縣八、戶一萬三千二百。

沅案吳志、孫休永安三年、分宜都立、領信陵、夷山、歸沙渠、四、沈志、晉又有建平都尉、領巫、北井、泰昌、

建始、四縣、晉武帝咸寧元年、改都尉爲郡、於是吳、晉、各有建平郡、太康元年、吳、晉、併合。

巫。

北井。

泰昌。

信陵。

興山。

沅案太平寰宇記、吳孫休永安三年、分柘歸縣之北界立、沈志、信陵、沙渠、亦疑吳所立。

建始。沅案輿地志、太康元年、分巫、柘歸、二縣置建始縣、後改爲大昌縣、沈志、太康五年省、後復立。

柘歸、故楚子國、沙渠。

宜都郡、吳置、統縣三、戶八千七百。

沅案注晉吳置、非、辯已見前。夷陵、夷道、佷山。沅案沈志、晉武帝太康元年、改爲興山、後復舊。

南平郡、吳置、以爲南郡、太康元年、改曰南平、統縣四、戶七千。

沅案沈志、南平郡、後治江安。作唐、房陵、南安。沅案沈志、晉武帝分

江安立、水經注又云、太康元年、分房陵立安南縣。

江安。

武陵郡漢置統縣十戶一萬四千。臨沅。龍陽。沅案何承天志失立。澧壽。沅案沈志改改名。吳壽晉武帝舊置。沅陵。黠陽。酉陽。

鎮城。沅案水經注晉義熙中改名。無陽元和郡縣志又云晉文帝省。沅南。遷陵。舞陽。

天門郡吳置統縣五戶三千一百。零陽。淩中。沅案沈志疑是吳置。充。沅案沈志縣後省。臨澧。澧陽。沅案沈志臨澧澧陽俱晉武帝太康四年立水

經注澧陽天門郡治。

長沙郡漢置統縣十戶三萬三千。臨湘。攸。下雋。醴陵。劉陽。建寧。沅案水經注晉太始中立。吳昌。羅。

蒲沂。沅案太平寰宇記吳黃武二年分沙羨縣置。巴陵。沅案水經注晉太康元年立巴邱縣于後置建昌郡。衡陽郡吳置故屬長沙統縣九戶二萬一千。湘鄉。

重安。湘南。湘西。烝陽。衡山。沅案吳名衡陽晉惠帝改今名。連道。新康。沅案水經注吳名新陽晉太康元年改今名。益陽。

湘東郡吳置故屬長沙統縣七戶一萬九千五百。酃。茶陵。臨烝。利陽。沅案張勃吳錄有利陽新平二縣攬漢郡國志無查吳所立。

陰山。沅案沈志疑吳所立。新平。新寧。沅案沈志吳立。

零陵郡、吳置。統縣十一。戶二萬五千一百。沅案零陵漢舊郡不得云吳置。泉陵、有香茅。云古貢之以縮酒。祁陽。沅案沈志吳立。

零陵。營浦。洮陽。永昌。沅案沈志吳立。觀陽。沅案沈志吳立。營道。春陽。冷道。應陽、東界有鼻墟。云象封所。

沅案水經注。晉惠帝分觀陽立。蓋即應水為名也。

邵陵郡、吳置。統縣六。戶一萬二千。邵陵。都梁。沅案晉武帝分立武剛縣。今此志不載。蓋後省。至宋時復立也。夫夷。建興。沅案晉武帝分邵陵立。邵

陽。沅案吳曰昭陽。晉武帝改今名。高平。沅案沈志。吳立。晉武帝太康元年。改曰南高平。後更曰高平。桂陽郡、漢置。統縣六。戶一萬一千三百。沅案沈志。江左復立汝成縣。郴、項

羽封義帝之邑。耒陽。便。沅案元和郡縣志。晉省入郴縣。臨武。晉寧。沅案漢順帝永和元年立。曰漢寧。吳改陽安。晉武帝太康元年。復改今名。南平。

武昌郡、吳置。統縣七。戶一萬四千八百。沅案晉此居注。太康元年。改江夏為武昌郡。今考吳志。權分江夏立武昌郡。晉平吳後。江夏武昌二郡亦並立。安得云改江夏為武昌乎。起居注對誤。武昌。

故東鄂也。楚子熊渠封中子紅於此。柴桑、有溢口關。陽新。沙羨、有夏口。對沔口。有津。沅案太平寰宇記。晉太康元年。

改沙羨為沙陽縣。案沈約宋志。後復立沙羨縣。而沙陽徙今所治。通典。東晉汝南郡流人寓于夏口。因僑立汝南郡。此又為汝南縣。蓋晉末。改為江夏縣。沙陽。鄂、有新興馬頭鐵官。官陵。

安成郡、吳置。統縣七。戶三千。

平都。

阮案王烈之安城記云。縣本有兩鄉。漢縣理四鄉。吳移東鄉。至晉武改曰安福城。

宜春。

阮案晉書。後避鄭太后諱。改名宜陽。

新諭。

永新。

安復。萍鄉。廣興。

惠帝分桂陽、武昌、安成、三郡立江州。以新城、魏興、上庸、三郡屬梁州。又分義陽立隨郡。

阮案陶稱傳。庾亮以稱監江夏、隨、義陽三郡事。

分南陽立新野郡。

阮案盛宏之荊州記。在元康九年。

分江夏立竟陵郡。懷帝又分長沙、衡陽、湘東、零陵、邵陵、桂陽、及廣州之

始安、始興、臨賀、九郡置湘州。時蜀亂。又割南部之華容、州陵、監利、三縣。別立豐都。合四縣置成都郡。為成

都王穎國。居華容縣。愍帝建興中。併還南郡。亦併豐都為監利。元帝渡江。又僑立新興、南河東、二郡。

阮案沈志。

南河東太守。晉成帝咸康三年。征西將軍庾亮以司州僑立。據此。則南河東成帝時始立。此云元帝。似誤。

穆帝時。又分零陵立營陽郡。

阮案沈志。營陽。江左分零陵立。桓元傳。封十郡為楚王。亦有營陽郡。

以義陽流

人在南郡者。立為義陽郡。又以廣州之臨賀、始興、始安、三郡。及江州之桂陽、益州之巴東。合五郡來屬。以

長沙、衡陽、湘東、零陵、邵陵、營陽、六郡屬湘州。桓溫又分南郡立武寧郡。

阮案桓元傳。移沮漳蠻三千戶于江南。立武寧郡。沈志同。太平寰宇記。晉安帝隆安五年。

劉史桓元立武寧郡于故編縣城。沈志武寧郡有樂鄉令長林男相俱晉安帝立。安帝又僑立南義陽、東義陽、長寧三郡。

沈案沈志

長寧侯相。義熙十三年省湘州置。沈案沈志作十二年長沙、衡陽、湘東、零陵、邵陵、營陽還入荊州。

晉安帝立。

晉書地理志新補正卷五

揚州案禹貢淮海之地舜置十二牧則其一也周禮東南曰揚州春秋元命包云牽牛流爲揚州分爲越國以爲江南之氣躁勁厥性輕揚亦曰州界多水水波揚也於古則荒服之國戰國時其地爲楚分秦始皇并天下以置鄣會稽九江三郡項羽封英布爲九江王盡有其地漢改九江曰淮南卽封布爲淮南王六年分淮南置豫章郡十一年布誅立皇子長爲淮南王封劉濞爲吳王二國盡得揚州之地文帝十六年分淮南立廬江衡山二郡景帝四年封皇子非爲江都王并得鄣會稽郡而不得豫章武帝改江都曰廣陵封皇子胥爲王而以屬徐州元封二年改鄣曰丹陽改淮南復爲九江後漢順帝分會稽立吳郡揚州統會稽丹陽吳豫章九江廬江六郡省六安并廬江郡獻帝興平中孫策分豫章立廬陵郡孫權又分豫章立鄱陽郡分丹陽立新都郡孫亮又分豫章立臨川郡分會稽立臨海郡孫休又分會稽立建安郡孫皓分會稽立東陽郡分吳立吳興郡分豫章廬陵長沙立安成郡分廬江立廬陵南部都尉揚州統丹陽吳會稽吳興新都東陽臨海建安豫章鄱陽臨川安成廬陵南部十四郡江西廬江九江之地自合肥之北至壽春悉屬魏及晉平吳以安成屬荊州分丹陽之宣城宛陵陵陽安吳涇廣德寧國懷安石城臨城春穀十一縣立宣城郡理宛陵改新都曰新安郡改廬陵南部爲南康郡分建安立晉安郡又分丹陽

立毗陵郡。

沅案應云分吳郡立毗陵郡。此云丹陽誤。

揚州合統郡十八。

沅案通典揚州魏晉理舊卷晉平吳。理建業。元帝渡江揚州遂為王畿。

縣一百七十二戶三十一萬

千四百。

丹陽郡漢置統縣十一戶五萬一千五百。

沅案元帝太興元年改為尹。又晉書帝紀太興三年以琅邪國人在江左者立懷德縣統丹陽郡。

建鄴本秣陵孫氏改為

建業武帝平吳以為秣陵太康三年分秣陵北為建鄴改業為鄴。

沅案建康圖經西晉太康元年平吳分地為二邑自淮水南為秣陵淮水北為建業其後因愍帝即位遷

譚改為建康。

江寧太康二年分建鄴置。

沅案沈志太康元年分秣陵立臨江縣二年更名今考太平寰宇記云元帝過江始置江寧未知何據。

丹陽丹陽山多赤柳在西北

于湖沅案沈志晉帝太康二年分丹陽立太平寰宇記成帝時以江北之當塗縣流入瀟江在于湖者僑立當塗縣屬淮南郡。

蕪湖

永世

沅案沈志吳分溧陽為永平縣太康元年改今名又稱董覽吳地志管分永世立平陵縣考今

志無此縣沈約云疑江左所立。

溧陽溧水所出。

沅案吳省太康元年復立。

江乘

沅案吳省為典農校尉晉武帝太康元年復立。

句容有茅山

湖熟

沅案吳省太康元年復立。

秣

陵沅案沈志本治去京邑六十里今故治邗是也晉安帝義熙九年移治京邑在鬪場恭帝元熙元年省揚州府兼防秦軍縣移治其處。

宣城郡太康二年置。

沅案當從沈志作太康元年。

統縣十一戶二萬三千五百。

沅案元和郡縣志東晉或理蕪湖或理姑熟或理緒圻。

宛陵侯相彭澤聚

在西南 宣城 陵陽 淮水出東北入江 仙人陵 陽子明所居

沅案晉書成帝杜皇后諱陵咸康四年改名廣陽

安吳 沅案水經注晉太康元年分廣陽立

臨城 沅案沈志吳立

石城 沅案水經注晉太康元年隸宣城郡

涇 春穀 孝武改春為陽 沅案太平寰宇記春穀縣晉屬宣城郡後省并于湖後又屬繁昌

廣德 沅案何承天志吳舊

縣沈志二漢志並無疑是吳所立水經注又云晉太康中立

寧國

沅案元和郡縣志後漢末分宛陵南鄉置而沈志以為吳立水經注又云晉太康元年分宛陵立未知誰是

懷安 沅案沈志吳立

淮南郡 秦置九江郡 漢以為淮南國 漢武帝置為九江郡 武帝改為淮南郡 統縣十六 戶三萬三千四百

沅案太平寰宇記東晉改為歷陽郡又云東晉豫州亦領于此

壽春

成德

下蔡

義城

沅案桓宣傳陶侃以宣淮南部曲立義城郡桓冲傳督揚州之義城新野二郡太守及庾翼等傳皆云義城太守則義城後常作郡

地理志 失載耳

西曲陽

沅案晉太康地記東海復有曲陽故此為西曲陽縣

平阿 有塗山

歷陽

沅案郡國志歷陽刺史治沈志晉武帝太康元年復立據此則三國時省至晉復立也下當塗逶迤二縣亦同

椒 阜陵 漢明帝時淪為麻湖

鍾離 故州來邑

沅案元和郡縣志晉安帝時因東郡無縣流人入鍾離者于此置燕縣太平寰宇記晉立鍾離郡又云晉太元二年謝元為兗州刺史以為馬頭城

至義熙元年立為馬頭郡

合肥

逶迤 沅案沈志晉作逶迤樂史又云晉改置慎縣因縣西北古慎城為名

陰陵

當塗 古塗山國

沅案太平寰宇記三國時荒廢晉書太康九年復立屬淮南郡

城 烏江

沅案太平寰宇記晉太康六年于歷陽東城界立烏江縣又云晉太興二年元帝置龍亢縣今含山縣南有龍亢邨

廬江郡漢置統縣十戶四千二百

沅案太平寰宇記稱晉太康地記廬江郡徙舒更移居于舒又稱宋齊州郡志曰晉安帝後于舊皖縣城置復舒郡仍分廬江郡置晉舒郡

陽泉舒故國

有桐鄉灑天柱山在南有祠

皖沅案太平寰宇記永嘉亂後遂廢晉安帝復于舊縣改置懷寧縣又云晉安帝于此立新治縣屬晉熙郡亦為大雷戍

尋陽居巢榮死于

此沅案太平寰宇記吳魏戰爭地遂荒廢晉平吳後復立

臨湖襄安龍舒六故六國

毗陵郡吳分會稽無錫已西為屯田置典農校尉太康二年省校尉為毗陵郡統縣七戶一萬二千

沅案元和

郡縣志晉東海王越謫于毗陵元帝以避諱改為晉陵郡沈志郡治丹徒後復還毗陵永嘉五年後徙治丹徒義熙九年復還晉陵太平寰宇記晉成帝又置南沙縣

丹徒故朱方沅案太平寰宇記吳嘉禾三年改丹徒為武進晉太康三年復曰丹

徒曲阿故雲陽沅案沈志吳雲陽晉太康二年復名曲阿吳錄載直道使曲故曰曲阿

武進沅案輿地志太康二年分丹徒曲阿二邑地立元和郡縣志吳大帝改丹徒為武進晉武帝復改武進曰丹徒別置武進縣于丹陽縣東

五十里延陵沅案元和郡縣志晉太康二年分曲阿之延陵鄉置

毗陵沅案元和郡縣志與郡俱改為晉陵

既陽沅案沈志太康二年分無錫毗陵立元和郡縣志本漢毗陵縣之濞陽鄉晉太康二年置濞陽縣

有磨山春申君祠沅案沈志吳省太康元年復立

太康元年復立

吳郡漢置統縣十一戶二萬五千沅案一本作二萬四千

吳故國具區任西嘉興沅案吳志黃龍四年由拳縣嘉禾生改曰禾興孫皓父名和又改今名海

鹽。沅案五行志載元帝大興三年海鹽郡兩置。則海鹽又嘗作郡。否則郡字係縣字之誤也。

鹽官 錢唐 武林山 武林水所出

富陽。沅案吳錄地理本名富春。康帝太元中避鄭太后諱改。

桐廬。沅案沈志吳又立新城縣。後并桐廬。晉太康地志無。張勃云。晉末立。疑是太康末立。尋復省也。晉成帝咸和九年又立。

建德 壽昌。沅案吳名新昌。太康元年更名。又案上三縣。沈志俱吳分富春立。

海虞。沅案太康四年。

分吳縣之臨鄉立。沈志吳郡又有新城。張勃吳錄。晉末立新昌。太康元年更名。壽昌。二縣元和郡縣志皆漢富春縣地。吳分立。新昌。晉太康元年改爲壽昌。

婁。

吳興郡。吳置。統縣十一。戶二萬四千。烏程。

臨安。

沅案太平寰宇記。吳析富春置新城縣。晉太康元年改臨安縣。又云。晉太康中改臨水爲臨安。

餘杭 武康。

故防風氏國。沅案沈志吳分局程餘杭立永安縣。太康元年改今名。南史沈約傳又云。靈帝初平五年。分烏程餘杭爲永安縣。

東遷。沅案太康三年。分烏程立。

於潛。有潛水。沅案吳錄。舊潛字。無水。至隋始加。

故鄣 安吉 原鄉 長城。

沅案沈志。太康三年。分烏程立。又元和郡縣志。對吳興之陽。并長城縣之北鄉。爲故鄣。則晉初有陽羨縣。并屬吳興。而此志不知。未知何故。

會稽郡。秦置。統縣十。戶三萬。沅案晉于此。置東揚州。

山陰。會稽山在南。上有禹塚。

上虞。有仇亭。舜避丹朱於此地。

餘姚。有句餘山。在南。

句章 鄞。有鮎崎亭。

沅案元和郡縣志。晉穆帝永和三年。分會稽之鄞縣置寧海縣。屬臨海郡。

鄞 始

沅案賀續會稽記。順帝永建四年。分上虞南鄉立。何

承天志。漢末分上。吳立。續漢志無。

鄞 永興。沅案漢餘暨縣。吳更名。諸暨。

東陽郡、吳置。統縣九戶一萬二千。

永康。沅案東陽記。赤烏八年。分烏傷之上浦置。

烏傷。吳寧。沅案沈志。吳分諸暨立。

太末。沅案太平寰宇記。晉于此立龍邱縣。

信安。沅案水經注。本新安縣。晉武帝太康三年。改曰信安。元和郡縣志。作太康元年。云以宏農有新安縣。遂改此為信安。

豐安。沅案沈志。吳分諸暨立。

定陽。沅案沈志。吳分

信安。遂昌。沅案元和郡縣志。吳分太末立。曰平昌。太康元年。更今名。

新安郡、吳置。統縣六戶五千。沅案沈志。洪建安十三年。孫權分丹陽立。曰新都。晉武帝太康元年。更名。

始新。沅案沈志。吳分歙立。元和郡縣志。晉改爲雒山縣。以縣南有雒山。因名之。

遂安。沅案吳分歙爲

新定縣。太康。勳。歙。海寧。沅案邑圖。吳制歙縣。四川分置休陽。後避孫休名。改爲海陽。晉平吳後。復改今名。

黎陽。沅案沈志。吳分歙立。

臨海郡、吳置。統縣八戶一萬八千。章安。沅案元和郡縣志。晉立爲永嘉郡。

臨海。沅案沈志。吳分章安立。

始豐。沅案輿地記。吳初置爲南始平縣。太康元年。改今名。

永

寧。沅案沈志。晉孝武康寧三年。分永嘉縣置樂城縣。太平寰宇記。作元康二年。沈志。晉康帝分始豐置安樂縣。今考此二縣志俱不載。未知何故。樂安。輿地志。作安樂。云晉穆帝永和三年。分始豐南鄉置安樂縣。與宋志不同。未知誰誤。

寧海。沅案臨海記。晉永和

三年。分會稽郡八百戶于臨海郡。章安地。立寧海縣。

松陽。沅案沈志。吳立。

安固。沅案沈志。吳立。曰羅陽。孫皓改曰安陽。晉武帝太康元年。更名。太平寰宇記。以界內安固山爲名。

橫陽。沅案沈志。晉武帝太康四年。以橫夷船屯爲始

陽縣。仍更今名。

建安郡。故秦閩中郡。漢高帝五年。以立閩越王。及武帝滅之。徙其人。名為東冶。又更名東城。後漢改為侯

官都尉。及吳置建安郡。統縣七。戶四千三百。

沅案太平寰宇記。晉廢建安郡。以舊屬邑隸晉安郡。東晉又立。

建安。吳興。東平。建陽。沅案太平

寰宇記。漢本名延平。晉太元四年。改今名。

將樂。沅案太平寰宇記。稱建安記云。晉隆安三年。又改將樂西鄉置綬安縣。

邵武。沅案元和郡縣志。吳昭武縣。晉改為邵武。太平寰宇記。太寧元年。改為邵陽縣。

延平。沅案祝穆方輿勝覽。

吳南平縣。晉武平。吳改為延平。

晉安郡。太康三年置。統縣八。戶四千三百。

沅案元和郡縣志。晉置。領縣八。南朝以封子弟為王。太平寰宇記。東晉南渡。衣冠士族多萃其地。以求安堵。因立晉安郡。今考沈志及晉地理志。皆云。晉武帝太康三年。

分建安立晉安郡。則郡非東晉始立可知。樂史蓋誤。

原豐。沅案沈志。太康三年。省建安與船校尉立。

新羅。宛平。同安。候官。羅江。晉安。沅案吳立曰。東安。晉武帝改今名。

溫麻。沅案沈志。太康四年。以溫麻船屯立。元和郡縣志。本漢冶縣地。晉分立溫麻縣。

豫章郡。漢置。統縣十六。戶三萬五千。

南昌。海昏。新淦。建成。望蔡。沅案顧野王輿地志。漢靈帝析建成。置上蔡縣。以汝南上蔡人分徙于此。

孫吳又置陽樂。宜豐。二縣。太康元年。以上蔡人思本土。為改望蔡。又改陽樂為康樂。

永修。建昌。吳平。沅案沈志。漢靈帝中平中立。曰漢平。吳改今名。水經注又云。舊漢平。晉太康元年。改為吳平矣。

豫章。沅案太平寰宇

記後漢建安中分海縣立西
安縣晉太康元年改為豫章
彭澤
艾
康樂沅案太平寰宇記稱與地記晉改陽樂為康樂
豐城沅案吳立曰富城太康元年改今名沈志豫章郡又有豫寧縣曰西安太康元年改為豫寧考

今晉書地理志作豫章蓋太康後又改今
名故水經注尚云循水東北逕豫寧縣也
新吳
宜豐
鍾陵

臨川郡吳置統縣十戶八千五百沅案太平寰宇記吳太平二年以南城臨汝二縣置臨川郡更增宜黃以浦新述西平四城東與南豐水城八縣至晉改西城為西寧西平為西豐
臨汝
西豐

沅案太平寰宇記吳
西平縣晉改今名
南城沅案沈志太康元年更曰新南城江左復舊
東興
南豐
永成
宜黃
安浦
西寧
新建

鄱陽郡吳置統縣八戶六千一百沅案沈志孫權分豫章立治鄱陽縣亦烏八年徙治吳芮故城
廣晉沅案吳立曰廣昌太康元年改今名
鄱陽
樂安
餘汗沅案

太平寰宇記稱鄱陽記晉永嘉
七年分餘干置興安縣尋廢焉
鄆陽
歷陵
葛陽
晉興

廬陵郡吳置統縣十戶一萬二千二百沅案晉地記太康中以尋都贛南野等縣割為南康郡而廬陵百姓去管遙遠乃移郡于石陽縣
西昌
高昌
石陽
巴

邱
南野
東昌
遂興
吉陽
興平沅案沈志西昌高昌東昌遂興吉陽巴邱興平七縣沈志俱云吳立遂興吳曰新興
陽豐沅案吳曰陽城太康元年改今名考續漢志豫章無陽城縣疑

亦吳
所立
南康郡太康三年置統縣五戶一千二百沅案元和郡縣志太吳廬陵南部都尉晉武帝太康三年罷都尉立為南康郡自永和五年移理贛
贛沅案元和郡縣志南康郡先治鬱都永和

五年移理。太平寰宇記。虔州圖經。其開置縣因名爲緒。

吳立曰揭陽。晉太康五年以西康揭陽移治故陂陽縣。改曰陂縣。沈志。南康郡又有寧都。吳曰楊都。太康元年改今名。此志疑脫南野寧都二縣。

零都。平岡。阮案沈志吳立曰平岡。晉武帝太康元年更名。

南康。阮案太平寰宇記吳大帝分南野立南安晉改爲南康。

揭揚。阮案沈志

惠帝元康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂陽安成合十郡因江水之名而置江州永興元年分廬江之尋陽武昌之柴桑二縣置尋陽郡屬江州分淮南之烏江歷陽二縣置歷陽郡又以周玘創義討石冰割吳興之陽羨并長城縣之北鄉置義鄉國山臨津并陽羨四縣又分丹陽之永世置平陵及永世凡六縣立義興郡以表珉之功並屬揚州又以毗陵郡封東海王世子毗避毗諱改爲晉陵懷帝永嘉元年又以豫章之彭澤縣屬尋陽郡

愍帝立避帝諱改建鄴爲建康元帝渡江建都揚州。阮案沈志晉元帝初割吳郡海虞縣之北境爲東海郡立鄒利城三縣而視其蕪蕪等縣寄治曲阿穆帝永和中郡移出京口鄒等三縣亦

寄治于京

改丹陽太守爲尹江州又置新蔡郡尋陽郡又置九江上甲二縣尋又省九江縣入尋陽是時司冀

雍涼青并兗豫幽平諸州皆淪沒江南所得但有揚荆湘江梁益交廣其徐州則有過半豫州惟得譙城而已明帝太寧元年分臨海立永嘉郡統永寧安固松陽橫陽等四縣而揚州統丹陽吳郡吳興新安東

陽、臨海、永嘉、宣城、義興、晉陵，十一郡。自中原亂離，遺黎南渡，並僑置牧司。在廣陵、丹徒、南城，非舊土也。及胡寇南侵，淮南百姓皆渡江。成帝初，蘇峻祖約爲亂於江淮，胡寇又大至，百姓南渡者轉多。乃於江南僑立淮南郡及諸縣。又於尋陽僑置松滋郡。遙隸揚州。咸康四年，僑置魏郡、廣川、高陽、堂邑等諸郡，并所統縣並寄居京邑。改陵陽爲廣陵。孝武寧康二年，又分永嘉郡之永寧縣置樂成縣。是時上黨百姓南渡，僑立上黨郡爲四縣，寄居蕪湖。尋又省上黨郡爲縣。又罷襄城郡爲繁昌縣，並以屬淮南。安帝義熙八年，省尋陽縣入柴桑縣。柴桑仍爲郡。後又省上甲縣入彭澤縣。舊江州督荊州之竟陵郡，及何無忌爲刺史，表以竟陵去州遼遠，去江陵三百里，荊州所立綏安郡人戶入境，欲資此郡助江濱戍防，以竟陵郡還荊州。又司州之宏農、揚州之松滋，二郡寄在尋陽，人戶雜居，並宜建督。安帝從之。後又省松滋郡爲松滋縣。宏農郡爲宏農縣，並屬尋陽郡。

交州案禹貢揚州之域，是爲南越之土。秦始皇既略定揚越，以譟戍卒五十萬人守五嶺，自北徂南，入越之道，必由嶺嶠。時有五處，故曰五嶺。後使任囂、趙他攻越，略取陸梁地，遂定南越，以爲桂林、南海、象等三郡。非三十六郡之限，乃置南海尉以典之。所謂東南一尉也。漢初以嶺南三郡及長沙、豫章，封吳芮爲長沙王。十一年，以南武侯織爲南海王。陸賈使還，拜趙他爲南越王，割長沙之南三郡以封之。武帝元鼎六年，討平呂嘉，以其地爲南海、蒼梧、鬱林、合浦、日南、九真、交趾，七郡。蓋秦時三郡之地。元封中，又置儋耳、珠

屋、二郡置交趾刺史以督之。昭帝元始五年罷儋耳并珠崖。元帝元初三年又罷珠崖郡。後漢馬援平定交部始調立城郭置井邑。順帝永和九年交趾太守周敞求立爲州。朝議不許。改拜敞爲交趾刺史。桓帝分立高興郡。靈帝改曰高涼。建安八年張津爲刺史。士燮爲交趾太守。共表立爲州。乃拜津爲交州牧。十五年移居番禺。詔以邊州使持節郡給鼓吹。以重城鎮。加以九錫六佾之舞。吳黃武五年割南海蒼梧鬱林三郡立廣州。交趾、日南、九真、合浦四郡爲交州。戴良爲刺史。值亂不得入。呂岱擊平之。復還并交部。赤烏五年復置珠崖郡。永安七年復以前三郡立廣州。及孫皓又立新昌、武平、九德三郡。蜀以李恢爲建寧太守。遙領交州刺史。晉平蜀以蜀建寧太守霍弋遙領交州。得以便宜選用長吏。平吳後省珠崖入合浦。

阮案通典交州地理編。

交州統郡七。縣五十三。戶二萬五千六百。

合浦郡。漢置。統縣六。戶二千。

合浦。

南平。

蕩昌。

阮案晉武帝分合浦立。

徐聞。

毒質。

珠官。

阮案沈志吳立。又云吳又立朱盧縣。

交趾郡。漢置。統縣十四。戶一萬二千。

阮案水經注晉太康中交趾徙理龍編。

龍編。

苟扁。

望海。

羸陵。

西于。

武寧。

朱

蒼。曲易。

交興。

阮案疑卽吳所立。吳興縣晉改今名。

北帶。

稽徐。

安定。

南定。

海平。

阮案沈志武寧、南定、海平三縣俱吳立。

新昌郡。吳置。統縣六。戶三千。麤冷。婦人微側爲主處。馬援平之。嘉寧。阮案吳分麤冷縣立。吳定。阮案沈志吳立。封山。

臨西。西道。

武平郡。吳置。統縣七。戶三千。阮案一本作五千。武寧。武興。進山。根寧。安武。扶安。封溪。

九真郡。漢置。統縣七。戶三千。胥浦。移風。阮案太平寰宇記晉分立高安縣。移風漢名居風。吳改今名。沈志晉武帝立軍安寧夷。二縣太康地志俱無。湛梧。阮案晉武帝分移風立。沈志作

津梧。建初。常樂。阮案沈志上二縣俱吳立。扶樂。松原。阮案晉武帝分遷初立。

九德郡。吳置。周時越常氏地。統縣八。無戶。九德。阮案沈志吳立。威驢。南陵。阮案沈志晉武帝立。又有西安縣亦晉武帝立。此志不載。陽遂。阮案吳曰

屬成。太康二年更名。扶苓。曲胥。浦陽。阮案沈志分陽遠立。郃液。阮案沈志分九德立。

日南郡。秦置象郡。漢武帝改名焉。統縣五。戶六百。阮案沈志吳晉太康三年復立。又有壽洽。無勞。二縣壽洽晉武帝太康十年分西卷立。無勞晉武帝分比景立。象林。自此

南有四國。其人皆云漢人子孫。今有銅柱。亦是漢置。此爲界。貢金供稅也。盧容。象郡所居。朱吾。西

卷。比景。

廣州案禹貢揚州之域。秦末趙他所據之地。及漢武帝以其地為交趾郡。至吳黃武五年。分交州之南海、蒼梧、鬱林、高梁、四郡立為廣州。俄復舊。永安六年。復分交州置廣州。沉案吳志。置在永安七年。此云六年。誤。沈志亦作七年。分合浦立合

浦北部。以都尉領之。孫皓分鬱林立桂林郡。及太康中。吳平。遂以荊州始安、始興、臨賀、三郡來屬。沉案通典。廣州理南。禹。合統郡十。縣六十八。戶四萬三千一百二十。

南海郡。秦置。統縣六。戶九千五百。番禺。四會。增城。沉案續漢志。南海郡有增城縣。則縣後漢時置。太平寰宇記以為吳黃武中所立者非。博羅。沉案沈志。

縣。二漢皆作傳字。晉太康地志作傳。又元和郡縣志。晉成帝咸和六年。于此置寶安縣。屬東莞郡。龍川。沉案太平寰宇記。晉元興中。分置興寧縣。沈志。晉安帝又立懷德縣。其志不載。平夷。沉案沈志。晉武帝太

臨賀郡。吳置。統縣六。戶二千五百。臨賀。謝沐。馮乘。封陽。沉案太平寰宇記。晉永嘉三年。析置開建縣。興安。沉案吳立。自建興太康元年。改名。

富川。沉案元和郡縣志。吳于此置平樂縣。

始安郡。吳置。統縣七。戶六千。始安。始陽。平樂。沉案太平寰宇記。晉置。荔浦。常安。熙平。永豐。沉案沈志。平樂縣。平。永豐。俱吳

立。平吳立為尚
步晉武帝改今名。

始興郡。吳置。統縣七戶五千。曲江。桂陽。始興。沅案沈志吳立。含洹。潁陽。中宿。陽山。

蒼梧郡。漢置。統縣十二戶七千七百。廣信。端溪。沅案晉分立潁鄉縣。高要。沅案水經注稱。晉書地理志縣東去郡五百里。刺史夏遵毒徙縣水居也。建陵。

沅案沈志吳立。又云。晉初分建陵立都城縣。新寧。沅案太康元年改曰寧新。猛陵。沅案元和郡縣志晉分猛陵置永平郡。鄆平。農城。元谿。臨允。都羅。沅案沈志吳立。

又云。晉太康七年以蒼梧蠻夷賓服于蒼梧郡立丁留縣。今考此志不載。或後省。至宋初復立也。武城。

鬱林郡。秦置。桂郡。漢武帝更名。統縣九戶六千。沅案沈志有安始縣。吳立曰建始。晉武帝太康元年更名。又晉武帝太康六年立安遠縣。屬鬱林。布山。柯林。新

邑。晉平。沅案沈志上二縣吳立。始建。鬱平。沅案元和郡縣志吳立曰陰平。太康元年改今名。領方。沅案漢蒼縣。吳改曰臨浦。晉武帝復舊。沈志又有安遠縣。武熙。沅案沈志本曰武安。疑吳立太

康元年改今名。安廣。

桂林郡。吳置。統縣八戶二千。沅案沈志吳孫皓鳳皇三年分鬱林治武熙縣。不知何時所徙。潭中。武豐。沅案太平寰宇記太康元年分置長安縣。粟平。羊平。沅案沈志晉武

帝太康元年立桂林之洋縣疑是

龍剛

夾陽沅案晉武帝太康元年分龍剛立

武城 軍騰

高涼郡 吳置統縣三戶二千

沅案沈志吳分合浦立治思平不知何時所徙吳又立高縣郡太康中省并高涼

安寧

沅案沈志吳立

高涼

思平

沅案太平寰宇記晉分置思平縣今

考思平縣吳立太康地志有此云晉立蓋誤

高興郡 吳置統縣五戶一千二百二十

廣化

海安

沅案沈志吳曰海寧晉武帝改今名

化平

黃陽

西平

寧浦郡 吳置統縣五戶一千二百二十

沅案廣州記建安二十三年吳分鬱林立治平山縣吳錄孫休永寧三年分合浦立合浦北部尉領平山興道寧浦三縣晉太康地志武帝太康七年改合浦屬國都尉立徧

考諸地志吳所置郡無寧浦當是孫休時立合浦北部尉至太康中始改立作郡耳此注及廣州記恐皆不足據

寧浦

沅案沈志晉太康地記本名昌平武帝太康元年更名

連道

沅案沈志晉武帝太康元年以合浦北部營之連道立興道縣

太康七年又立潤陽縣

吳安

昌平

平山

武帝後省高興郡懷帝永嘉元年又以臨賀始興始安三郡凡二十縣為湘州元帝分鬱林立晉興郡

沅案

沈志晉元帝太興元年分立

成帝分南海立東官郡

沅案沈志何承天志故司監都尉晉成帝立為東官郡廣州記晉成帝咸和六年分南海立

以始興臨賀三郡還屬荊州穆帝

分蒼梧立晉康、新寧、永平、三郡。

沅案沈志晉穆帝永和七年分蒼梧立晉康、新寧、二郡。升平五年分蒼梧立永平郡。晉康郡治元。永初郡國治龍鄉。永平郡永初郡國有雷鄉、盧平、員鄉、通寧、開城、五縣。當是與郡俱立。元和郡

縣志晉末置晉康郡。太平寰宇記稱南越志晉康郡本屬蒼梧端谿縣。晉咸康四年分置。今考云咸康四年置則與晉地理志穆帝置異。俟考。

哀帝太和中置新安郡。安帝分東官立義安郡。

沅案沈志

晉安帝義熙九年分東官立何承天志綏安、海寧、湖陽、義招四縣與郡俱立。又海陽縣何志晉初立。

恭帝分南海立新會郡。

沅案沈志晉恭帝元熙二年分南海立。

後序

秋颿先生著晉書地理志新補正五卷。采酈元、沈約、司馬貞、張守節、李善所稱述書凡二十餘種。益以魏王泰、杜祐、李吉甫、樂史、宋敏求諸書事涉典午者卽綴錄之。又隨事正其闕失。才數百條。自是晉史地志始爲完書。非僅劉昭注郡國志弟於該博已也。歷史地理惟班固最稱詳核。自高惠建置以迄新莽。改稱靡不畢登。用芟殊說。至司馬彪著郡國志。則先詳後略。永初而降。事乃闕如。及唐人修晉書。其志輿地。蓋欲據西晉一統之日。然亦當以惠帝永康永興爲斷。而今之州縣。登降僅及太康。又與太康地志牴牾者。十復得五。則前後失據之甚者焉。益信先生補正是書爲不可少也。先生官事之暇。于地理尤所究心。既成此書。又以黃義仲闕駟十三州記。晉太康地志。魏王泰括地志等。散失已久。更從諸書綴出之。弟其先後。證其闕失。彙爲若干卷。行將鈔本。以廣其傳。亮吉從先生久。又舟輪所周。殆半區宇。每興焉眺覽。方册

必俱資于見聞。藉證今昔。因先生此書。遂續爲東晉區宇、十六國區宇、二志於實土。僑置星離豆剖者。庶不至理亂絲而紊。行將乞先生序之。庶可附是書以傳也。乾隆四十八年歲在癸卯三月十八日。陽湖後學洪亮吉書于西安使院之曉華齋。

